

## He wahi ho'olaha ho'i mai ke ke'ena HIDOE mai e pili ana no nā papa kauwela i ho'omohala 'ia no nā ho'onui 'ike a me nā kāko'o haumāna

E loa'a ana kekahi papahana no nā [polokalamu kauwela](#) i ho'omākaukau 'ia ho'i e nā kula ma lalo o ke Ke'ena Kula Aupuni o Hawai'i (HIDOE) nei e kāko'o ana ho'i i nā ha'awina a me nā 'ike a nā haumāna no ka ho'omākaukau 'ana iā lākou i ka ho'i hou 'ana aku a e kula ma'amau, 'o ia ho'i, ke kula 'ana he alo a he alo no ka makahiki kula 2021-2022.



“Ua nui ho'i nā hana nui i hana 'ia ma nā kula no ke kūkulu a ho'omākaukau i nā polokalamu hoihoi loa no nā haumāna i nui 'ole ka hoihoi i kēia kau ma'i 'ahulau a me nā polokalamu me nā ha'awina ho'onui 'ike no nā haumāna e 'imi nei i 'ike hou a e pono nā'auao hou,” wahi a ka Po'okumu Nui 'o Dr. Christina Kishimoto.” Kāko'o no ho'i kēia mau polokalamu nei ma na pae kula a pau, mai nā polokalamu kūikawā no nā haumāna e komo nei i ka papa mālaa'o a me nā papa kauwela ho'onui 'ike no nā haumāna papa 12 e hemo kula nei i kēia makahiki.”

Ma waho a'e o nā hana ma'amau ma ke kula kauwela, ke ho'okomo nei ke Ke'ena i nā papa ho'onui 'ike kula kauwela ma ka ho'ohana 'ana i nā lā'ana ha'awina i wehewehe 'ia ma lalo iho nei. Pono nā mākua e ka'a'ike aku me ke kula a kā lākou keiki e pili ana no nā polokalamu pākahi.


### Kula kauwela kūhelu

E ho'ohana no ho'i nā polokalamu kula kauwela kūhelu HIDOE i nā papa koho ko'iko'i a piha i nā a'oa'o kūpono no nā pono 'ike waiwai haumāna, no nā haumāna pa'a hope 'ia, no nā haumāna e 'imi nei i nā helu 'ai no ka ne'e mua 'ana, no nā haumāna e 'imi nei i nā helu 'ai i loa'a 'ole ma ke kau kula i hala no nā papa mālaa'o a papa 12. A ua hiki [ū i nā haumāna papa 9 -12 ke kāinoa aku no nā papa [E-School](#). Kaomi [ma'ane'i](#) no nā papa kuhikuhi no nā papa e loa'a ana ma ke kula kauwela.

### Nā kahua a'o kauwela pilina-kahua kula

Kūkulu 'ia kēia mau kahua a'o kauwela ma nā pae kula e pili ana i nā pono e pono ai nā haumāna a me kō lākou a'o 'ana. Loa'a 'eono 'ano papa: papa ho'onui helu 'ai kula, papa ho'opiha helu 'ai i nele, papa ho'onui 'ike, papa kōkua haumāna, papa kōkua haumāna pa'a hope 'ia a me nā papa kōkua komo. 'Okō'a ana nā lā a me ke a'o 'ia 'ana o nā polokalamu ma nā kula a pau.

O kekahi lā'ana o kēia kahua a'o, 'o ia no ka polokalamu kula kauwela no ka ho'omākaukau haumāna mālaa'o hou, he polokalamu ho'i i hiki i nā kula kamali'i a pau ma lalo o ke ke'ena HIDOE ke ha'awi me ka hana like 'ana aku me ka Hui Hawai'i P-20. He papa ho'i kēia me nā pono ho'onui 'ike a e ho'omākaukau no ho'i i nā haumāna e komo ana i ka papa mālaa'o i loa'a kekahi 'ike mai kula pēpē a i 'ole he haumāna hou loa paha.



A kekahi mea 'ē a'e, loa'a no nā kōkua ma ke 'ano ho'i he kahua kōkua 'imi nā'auao ki'ihele no nā kaiaulu i ho'omaka 'ia ho'i i kēlā kauwela aku nei, a e ho'omau 'ia ana ho'i, e kōkua ana i nā kaiaulu i kēia kauwela nei. Nā kahua kula o Lāna'i, Moloka'i, Hāna a me Ka'ū-Kea'au-Pāhoa.

No nā mana'ō 'ē a'e a me kekahi palapala 'āina no nā kula-HIDOE me nā kahua a'ō kauwela, 'olu'olu e nānā aku ma kēia loulou [ma'ane'i](#).

### **Nā kōkua kūikawā no nā haumāna**

Loa'a ana nā papa i ho'omākaukau 'ia no nā haumāna i pono ai kekahi kōkua a me nā kākō'o kūikawā. Ma kēia mau papa nei, he papa kākō'o makahiki kula ho'olō'ihi (ESY), nā kōkua no nā haumāna e a'ō nei i ka 'ōlelo Pelekānia, nā polokalamu kākō'o kūikawā no nā haumāna kūku'e, a me nā polokalamu kōkua a me nā kākō'o a'ō kū'oko'a (ALPSS).

### **Nā ho'onā'auao holomua**

No nā polokalamu [Papa Ho'omākaukau Kula Nui](#), he polokalamu ho'i i hanalike 'ia ma waena o ke ke'ena HIDOE a me ke Kahua Kula Nui o Hawai'i, a e ha'awi 'ia nei ho'i i nā haumāna papa 9-12 no nā papa ho'onā'au holomua. No nā haumāna i 'āpono 'ia, hiki ke loa'a nā helu 'ai kula nui i nā haumāna a i ka manawa ho'okahi e paipai pū no ho'i nā pono helu 'ai no ka loa'a 'ana o nā palapala hemo kula kula ki'eki'e (helu 'ai pālua) i ka pau 'ana o ia papa lā.

### **Nā ho'omākaukau kula nui, 'oihana no nā kaiaulu**

No ke kākō'o 'ana i nā haumāna hemo kula i makemake e komo ma nā ha'awina ho'onui 'ike 'ē a'e, nā ho'onui 'ike-pilina kaiaulu, a i 'ole he hapa manawa ma kekahi 'oihana, loa'a kekahi hana kōkua kula e ho'omaka hou 'ia nei e ke ke'ena HIDOE o nā aupuni. E ho'omaka 'ia ana nā papa kōkua kula i loko o lune.

Ma waho a'e o nā pono ha'awina, e loa'a ana kekahi o nēia mau kōkua a me nā kākō'o ma nā kau kauwela.

### **Nā polokalamu mea'ai no ke kauwela**

E ho'omau ana ke ke'ena HIDOE i nā polokalamu kōkua ha'awina mea'ai, ke koho kauwela māwae 'ole (SSO). E loa'a ana nā hō'ike pili ana i nā kula e komo nei ma kēia polokalamu nei.

### **Nā Polokalamu Kōkua Keiki Laina Kelepona a me nā Kōkua Keleka'aolakino**

Kūkulu 'ia no ka ho'omaiau 'ana no ka loa'a kaulike 'ana o nā waiwai olakino, e like me ka Polokalamu Kōkua Keiki Laina Kelepona a me nā Kōkua Keleka'aolakino a he manuahi no ho'i no nā haumāna HIDOE, nā 'ohana a me nā limahana ho'i i loa'a kekahi nīnau e pili ana i ke olakino a me kō lākou no'ono'o. Eia nā hola hemo no ka wā kauwela a ho'omaka ana i ka lā 7 o lune ka lā 23 o Iulai, mai ka Po'akahi a Po'alima mai ka hola 8 a.m. a hola 3 p.m. koe na'e ma nā lā nui. E kelepona manuahi mai ma ka helu kelepona (844) - 436-3888. Loa'a pū no ho'i nā kōkua unuhi 'ōlelo.

### **Ka papahana 'AE**

E ho'omau nei ke ke'ena HIDOE i ka polokalamu 'AE no ke kōkua 'ana i nā haumāna a me nā 'ohana me nā hemahema nohona, nā kōkua pono e like me nā mea'ai a me nā pono ho'oma'ema'e kino, a e lawe pū no ho'i i nā pono ho'onā'auao le'ale'a. E ho'oponopono 'ia ana nā kahua e pili i nā makemake e pono ai, a e kūkulu no ho'i a i kekahi kōkua e ho'ohui aku ai i nā kula a me nā kaiaulu.

No nā mana'ō 'ē a'e no nā polokalamu kauwela HIDOE a me nā waiwai kōkua, 'olu'olu e kipa aku i kēia loulou nei [bit.ly/HIDOEsummerlearning](http://bit.ly/HIDOEsummerlearning).

###